




ნ. შიქვაშვილი

უნიტავორ

ნ



— ოღონდ ცოლად გამოყევი და, თბილისის ნებისმიერ რაიონში გაცხოვრებ, თანაც ყელამდე ნაგავში ჩაგსვამ!



მ. თბილისის № რაიონის პროკუ-
რორს ბ. ჩუმათელაშვილს
აბავე რაიონის № 469 მაღაზიის
გამგე-გამყიდველის მარკო მარკო-
ვის ასულ სტაფანაძის

ანსნა-განმარტავითი ბარათი

1989 წლის 13 მარტს ჩემდამი რწმუნებულ მაღაზიაში ერთი კოლოფი სიგარეტი „კოსმოსი“ (მაგარი) 1 მანეთად მიყვიდე მოქ. პაპისმედაშვილს თუ მამისმედაშვილს (გვარი ზუსტად არ მახსოვს). როგორც შემდეგ ექსპერტიზით გამოირკვა, პაპისმედაშვილი თუ მამისმედაშვილი სიგარეტს არ ეწეოდა, რაც იმას ადასტურებს, რომ იგი იყო მოგზავნილი და ინტრიგანი. ამ ფაქტის გამო სახალხო კონტროლის ჯგუფმა შეადგინა ოქმი და შესაბამის მილიციაში ჩემს მიმართ აღიძრა საქმე. მართალია, ერთი „კოსმოსი“ 70 კაპ. ლირს (აბა, წადი, იშოვე!), მე კი 1 მანეთად გავყიდე და ჩემს დანაშაულს არ უარყყოფ, მაგრამ მინდა აგისხნათ ჩემი ასეთი მოქმედების მოტივები: თვითონ მე ერთ „კოსმოსში“ მძღოლექსპედიტორს ვაძლევ 80 კაპიკს (არ მისცემ — არ მოიტანს!), მძღოლი ფაბრიკიდან სიგარეტს იღებს 70 კაპიკად, გარდა ამისა კიდევ გამოაქვს „ლევია“ სიგარეტი, რაშიც კონტროლიორს ჭიშკარში აძლევს გარკვეულ თანხას (არ მისცემს — არ გაატარებს!). საწყობის გამგე აძლევს საამქროს უფროსს, საამქროს უფროსი — დირექტორს, დირექტორი — მმართველს და ა. შ. ყველას ვერ ჩამოვთვლი. ვინ რამდენს იღებს, რა ჩემი საქმეა?! არსებული მდგომარეობა აუუხსენი პაპისმედაშვილს თუ მამისმედაშვილს (ჯანდაბა მაგას!), მან კი ამაზე მიიხრა, ეს მე არ მაინტერესებს, რამდენიც ანერია, იმდენად უნდა გაყიდო! მე კიდევ ერთხელ აუუხსენი, ჩემი ჯიბიდან ხომ არ გადავიხდი-მეთქი, მაგრამ პაპისმედაშვილმა თუ მამისმედა-

შვილმა მოიყვანა სახალხო კონტროლიორები, შეკრიბა მონშეები და შეადგინა აქტი. მე მყავს 3 არასრულწლოვანი შვილი, ინვალიდი ქმარი და მთელი ოჯახის მარჩენალი მე ვარ. ახლა წარმოიდგინეთ, პატ. პროკურორო, თავი ჩემს ადგილას! თქვენ რას იზამდით? აღარაფერს ვამბობ იმაზე, თუ რამდენი გადავიხადე ჩემს ადგილში (ის ფულიც ნახესხები იყო), თქვენ თვითონ იცით, როგორ ხდება ასეთი რამეები. მე რომ სიგარეტში არ გადამეხადა 80 კაპიკი, არ მყოლოდა სამი შვილი (იმათ ენაცვალოს დედა!), არ მყოლოდა ინვალიდი ქმარი ჩემს კმაყოფაზე და მქონოდა მაღალი ხელფასი, „კოსმოსს“ გავყიდე 70 კაპიკად, ე. ი. თავის ფასში და პაპისმედაშვილს თუ მამისმედაშვილს, რაც ერთი და იგივეა, აღარ ექნებოდა ინტრიგის საბაბი ჩემს მიმართ.

გთხოვთ გაითვალისწინოთ ჩვენს სისტემაში არსებული მდგომარეობა, აგრეთვე ჩემი მიძიმე ოჯახური მდგომარეობა, ისიც, რომ წინათ დანაშაულში შენიშნული არ ვყოფილვარ, რასაც ადასტურებს საჩივრის წიგნი (შეგიძლიათ ნახოთ); მიუხედავად იმისა, რომ უკვე 20 წელია ვაჭრობის სისტემაში ვარ, მივიღე ვაჭრობის სანიმუშო მუშაკის საპატიო სიგელი, არაერთხელ გავიმარჯვე რაიონის სავაჭრო ობიექტების სოცშეჯიბრებაში, რისთვისაც გარდამავალი წითელი დროშა დავიმსახურე.

კიდევ ერთხელ გთხოვთ გაითვალისწინოთ ჩემი როგორც პატიოსანი მშრომელის მდგომარეობა, შემიმსუბუქოთ დანაშაული, თუ ამასაც დანაშაული ჰქვია, რადგან ამას ყველა აკეთებს და კარგად იცის, რომ ამის გარეშე ცხოვრება და მუშაობა შეუძლებელია! გთხოვთ აგრეთვე, შეამოწმოთ ჩემი წარსული, ენდოთ ჩემს პატიოსან სიტყვას და არა ინტრიგან პაპისმედაშვილს თუ მამისმედაშვილს, რომელიც თვითონ შესამონშეებელია, სად მუშაობს და როგორ ცხოვრობს!

ანსნა-განმარტავითი ბარათი მოიპოვა
სოლ. მელლოანიძემ

იძირება, იყურება!..
 აბა, გიგი რაც კი გახდა
 კოოპერატივის წვერი
 მხრებში უფრო გაიშალა,
 დაუმშვენდა უფრო წვერი
 და ობიექტს კარგი ჯიშის
 მენველ ძროხასავით
 წველის.

გააძვირა კუპატები,
 გააძვირა პური, ყველი!..
 მოითბო და მოიმართა
 იმ „წვერობით“ ცივი ხელი!
 შენი შვილი? შენი შვილი
 ხელფასიდან ხელფასს

უცდის,
 არც მაცვია თბილი ქურქი,
 არც აცვია ჭრელი ბუცი!..
 მიტომაა უვარგისი,
 მიტომაა უმაქნისი!
 დადის სამი შვილის მამა
 ცარიელი ჯიბე-ქისით!..
 — მაშინ კარგი შვილი
 მყავდა,
 უიმისოდ რომ ვერ
 ძლებდი?

საქმროების გაზრდისათვის
 დედებს ასე სჯიან
 რძლები!

ვერ მიირთმევთ!

ტურა შეხვდა ქათამს
 ტყეში ღელის პირას.
 — უჰ, რა მსუქანი ხარ! —
 შეჭმა დაუპირა.
 — შენ ვერ შეჭმამ, ტურავ,
 ვერ ჩამიგდებ ხელში,
 ქათამი ვარ დათვის,
 მიტომ ვცხოვრობ ტყეში!
 გაიპარა ტურა
 ტყიდან დათვის შიშით,
 ახლა ქათამს დათვი
 შეხვდა პანტის ძირში.
 — თუმცა მსუქანი ხარ,
 არ მეყოფი ლუკმად!
 — მე ვეკუთვნი დიდ ლომს,
 კბილს ილესავ უქმად!
 გაიპარა დათვიც,
 ხევ-ხევ გაიძურნა;
 მელა შეხვდა ქათამს,
 მიაძახა წუნკმა:
 — უჰ, რა მსუქანი ხარ!


ვინ გაგიშვა ველად?
 — შენ სიმსუქნე ჩემი
 დაივინყე, მელავ!
 ქათამი ვარ ვეფხვის,
 მიფრთხილდება ყველა!..
 და შენ ვინ მიგდისარ,
 ქურდობაცაცა მელავ?!
 ... გარბის მელა!..

ლამის
 მოიტეხოს ფეხი!..
 ვერ მიირთმევს, ქათამს
 თუ პატრონობს ვეფხვი!..
 მეგობრული შარფი
 ბელა ღურგლიშვილისა



კაპასი რძალი

ოთახ-ოთახ დაბუზღუნებს
 კევის ლეჭვით,
 თმებგაშლილი:
 — უმაქნისი თქვენი
 შვილი,
 უვარგისი თქვენი შვილი,
 დამჯდარა და ხელფასს
 იქით
 არსად აღარ იყურება,
 წუცას რძალი
 ოქრო-ვერცხლში



ნახ. ბ. ზუზაშვილისა

უსიტყვოდ

ბ.ბ.

დუბლიონკა



მისი თოვლიან დილით სპორტული კოსტიუმის ამარა საყიდლებზე გავედი. მალაზია იქვე იყო. არაჯანი, ხაჭო და მანონი რომ ვიყიდე, თვალმა წამძლია და პურთან ერთად ლახათიანად შებოლილი ძეხვიც ავაწონინე.

ლიფტით მეშვიდე სართულზე გავჩნდი, ჯიბეზე ხელი მოვიფათურე და ელვასავით გამკრა უსიამო ფიქრმა. ერთხანს გაოგნებული ვიდექი და დარღული იმედით მეჭირა ხელში რეიტუზის ერთადერთი ამობრუნებული ჯიბე!..

ძალიან არ მინდოდა დამეჯერებინა, რომ ამ დიდთოვლობას ბინა გამომეკეტა და გარეთ დავრჩი, მაგრამ დაგმანული რკინის კარი დაბეჯითით მარწმუნებდა ამაში.

სათადარიგო გასაღები სამსახურშიც მქონდა, მაგრამ სეიფის საკეტიც ბინაში მომიყვია. სხვა გზა არ იყო, ქალაქარეთ აგარაკზე უნდა წავსულიყავი!..

რკინიგზის სადგურისაკენ წავედი. საყიდლებზე გამოსული რეიტუზის ამარა კაცის დანახვა მაინცდამაინც არ უკვირდა ხალხს, მაგრამ საგარეუბნო მატარებლის ვაგონში რომ ჩავჯექი, აქ კი ბევრმა მესროლა აღმაცერი მზერა, ზოგმა საფეთქელთანაც კი მიიტანა თითი და დაატრიალა.

გარეთ ბარდნიდა, ვაგონში კანტიკუნტად შემოდოდნენ ტანსაცმელდათოვლილი მგზავრები. სიცივემ ამიტანა, მაგრამ ისტიბარს მაინც არ ვიტყხდი — ყელმოღერებული ვიჯექი, სპორტსმენობას ვიფერებდი.

ვაგონის ტამბურში ქალბატონი შემოვიდა, ტანსაცმლიდან თოვლი გადაიფერთხა და თავისუფალი ადგილები შეათვალიერა. საყელზე ბენემოვლებული პალტო ეცვა, მკლავზე კი მამაკაცის „დუბლიონკა“ მქონდა გადაკიდებული. თვალბად ვიქეცი. ალბათ შემამჩნია და პირდაპირ ჩემკენ წამოვიდა, დაკავებული ხომ არ არისო, ყასიდად იკითხა და ვიდრე ჩემს წინ ჩამოჯდებოდა, „დუბლიონკა“ მოიხსნა მკლავიდან, ჩამოკიდება დააპირა, მაგრამ რა დავიტოვებო, რას ეძებ? — ჩემდა საბედნიეროდ საკიდრებისაგან გაძარცვული იყო ვაგონი!..

ქალბატონმა უმწეოდ მიმოიხედა, შემეშინდა, სხვა ვაგონში არ გავიდეს-მეთქი, გულდანყვებით შევხედე ფუმფულა, სიარულისაგან ავარვარებული ქალბატონი იდგა ჩემს წინ და მომხიბლაობის თბილ ბურანში მხვევდა!.. წამოვხტი!..

— მომეცით, ქალბატონო, მალლა, საბარგულზე შევდებ! — „დუბლიონკას“ წავატანე ხელი.

ქალბატონმა მონყალედ გამიღიმა.

— კადნიერებაში ნუ ჩამომართმევთ!.. თქვენ რომ წამოგესხათ, არ აჯობებდა?.. ასე შილიფად გაცვიათ!..

— ბინა გამომეკეტა, ქალბატონო, საყიდლებზე გამოვედი და... ქალბატონმა ბოთლებითა და ქილებით ამოჩხორილ ჩემს ჩანთაზე გადაიტანა მზერა, მერე კვლავ ამხედ-დამხედა.

— ახლა რას აპირებთ? — მის ხმაში თანაგრძნობა და ნუსხილი უნისონად აყლერდა, „დუბლიონკა“ გამომინოდა და დასძინა: — ჩაიცვით, უკეთ დაგათბუნებთ!

„დუბლიონკა“ გაფაციცებით მოვიტრეკე ტანზე და ჩავიბურტყუნე:

— აგარაკზე მინდა ავიდე, სათადარიგო გასაღები იქ მეგულემა.

ქალბატონმა მონონების თვალი მკიდა.

— ნათხოვარი მოგიხდებაო, მართალი უთქვამთ! — ჩაილაპარაკა. საამოოდ დამთბა, გუნება გამომიკეთდა.

— ვისი „დუბლიონკა“, ქალბატონო? — მხრები გავშალე.
— ქმარი დავანვინე საავადმყოფოში! — ამოიოხრა და სახე დაუნაღვლიანდა.

— სერიოზული ხომ არაფერია? — ვითომ დიდად შევწუხდი.
— ოპერაცია!.. — ხელი პალტოს ქამართან მიიტანა და ქვემოთ ჩააყოლა.

თიაქარზე ვიქევე, მერე აპენდიციტი გამახსენდა, მერე — ბუასილი და უსიამოდ შემაყრულა.

ვაგონი თანდათან ივსებოდა ხალხით, სანამ ჩვენს გვერდითაც დაჯდებოდა ვინმე, ქალბატონმა უკვე იცოდა ჩემი ვინაობა და აგარაკის მისამართიც, მე მხოლოდ სახელი ვკითხე და ამას დავჯერდი, ლატავრა მქვიაო, მომიგო.

— ამდენ ხალხში ნულარ გაამხელთ, რომ სხვისი გაცვიათ, აგარაკამდე გადროვებთ!.. სირცხვილია, ასე მსუბუქად ჩაცმული სად გამოჩნდებით?!

მადლიერი თვლით შევხედე, მომდევნო ბაქანზე ორივენი ერთად ჩავედით მატარებლიდან. შორი სოფლისაკენ მიმავალ ავტობუსს აგარაკამდე გავყვივით, ლატავრა ჩქარობდა, „დუბლიონკას“ უკან წამოვიღებ და მომდევნო მატარებელს გავყვებო, მეუბნებოდა, გადასახვევიდან აგარაკამდე ფეხით ვიარეთ, ყველაფერი თოვლში იყო ჩაჩუქრული. დაგმანულ ჭიშკარს მივადექით. სამალავეში გასაღები მოვძებნე, კუტიკარიც გავაღე და სახლის კარიც, მერე შიგნით შევედი და ამაოდ ვჩხრიკე ყველა უჯრა და ზარდახმა, თბილისური ბინის გასაღები არსად იყო!..

— რა გეშველება? — შეწუხდა ლატავრა.

— ორშაბათს სამსახურში მივალ, ბანკიდან ხელოსანს გამოვიძახებ და სეიფს გავახსნევინებ.

— დღეს პარასკევია, მანამდე აქ რა გაგაძლებინებს?

— სანოვავე მაქვს, არც შეშა მაკლია, დავანთებ ღუმელს და მოვილხენ ეშმაკებთან ერთად.

— რაკი საქმე ასე შეტრიალდა, „დუბლიონკას“ დაგიტოვებ და თბილისში მოგაკითხავ წამოსაღებად, — მითხრა და წასასვლელად ანრილდა;

— მოითმინეთ, ასე უჭმელს როგორ გაგიშვებთ, თანაც სამსაათიანი მატარებლის დასახვედრად ავტობუსი ცოტა გვიან ჩამოვივლის!

როგორც იქნა დავითანხმე, ფიცრულიდან შეშა შემოვიტანე, ღუმელი დავაგუზღუზე, იატაკქვეშა საკუჭნაოში კიბით ჩავეშვი და ღვინოსთან ერთად ლორის ნაჭერიც ამოვიტანე. ცოტა ხნის შემდეგ მე და ლატავრა ტანსაცმელმოშილფებუ-





რა და უცნაური წერილი დამხვდა აგარაკის საფოსტო ყუთში:
„შეგიძლია „დუბლიონკა“ შენად ჩათვალო და თავისუფლად
იხმარო!“

ვიფიქრე პროვოკაცია არ იყოს-მეთქი, „დუბლიონკა“ წაფტა-
ლინიან ცელოფანში შევახვიე და საგულდაგულოდ შევიწახე.

ამასობაში მარტიც დადგა და ზამთარმა კუდი სწორედ სარ-
ვამარტოდ მოიქნია. რვა მარტი ორშაბათს დაემთხვა და მე სა-
მი დღით კვლავ აგარაკს მივაკითხე.

ჭიშკარიც და სახლის კარიც ღია დამხვდა, გულმა რეჩნი
მიყო. ვიფიქრე, ვინმე მოხეტიალე წყვილი იქნება, გუგულბი-
ვით სხვის ბუდეებში რომ უყვართ რუკურუკი-მეთქი, საჩხუბრად
მოვემზადე. თურმე უარესი განსაცდელი მელოდა. ზღურბლს
გადავაბიჯე და იქვე გავხედდი: ღუმელთან შავებში ჩაცმული
და შეერიდემოსხმული ქალი იჯდა, კარის ხმაურზე თავი რომ
ასწია, მაშინლა ვიცანი ლატავრა!.. ნამოხტა, აცრემლებული
მკლავებში ჩამივარდა და გულამოსკენით აქეთიწინდა. მოუ-
ლოდნელობისაგან დავიბენი, მაგრამ მალე მოვედი გონს, სხვა
რა დამრჩენოდა, მზრუნველად ვუსვამდი ხელს აწეწილ თმასა
და აძიგძიგებულ მხრებზე, ვეფერებოდი, ვამშვიდებდი!..

სალამოს თავშექცევით აღარ დავნოლიღვართ. ლატავრას შა-
ვები აღარ ეცვა, მოვარდისფრო პერანგის ამარა ინვა ლოკინში.

„რვა მარტი დგება, მე კი უბრალო საჩუქარიც არა მაქვს!“ —
გავიფიქრე და მაგიდაზე მიყრილ ქალის სამკაულებს დავხედე.

— ქალბატონო ლატავრა, დროებით, სანამ ვიყიდო, თქვენს
ქორწინების ბეჭედს ხომ არ მათხოვებდით?

გაკვირვებით შემომხედა.

— ქალი მინდა დავნიშნო! — ვუთხარი და მუხლი მოვიყარე
მის წინ. თვალებით მანიშნა, აიღეო. ბეჭედს მიწვდი, მერე მო-
წინებით ავიღე ლატავრას ფუნჩულა თეთრი ხელი, ვეამბორე,

შუა თითზე ბეჭედი წამოვაცვი და ლოცვასავით წარმოვთქვი:

— თქვენს ფერხთით დამიდვია, ქალბატონო, თქვენდამი სიყ-
ვარულით მფეთქავი ჩემი ერთადერთი გული! — მიწამდე დავ-
ხარე თავი.

— აი სარვამარტო საჩუქარიც ამას ჰქვია! — ვნებიანად და-
იკვნესა ლატავრამ და თმით აწნია — ლოკინამდე ამამალა.

ლამე ჩემს სჯულიერ მეუღლესთან გავათიე, დილით კი მა-
ტარებელი ორივეს დედაქალაქისაკენ მიგვაქროლებდა. მე თავი
ქუდში მქონდა და ცოლის მზითვეი — „დუბლიონკა“ მეცვა.

ლატავრას თავით ფეხამდე შავები ეცვა და სახეზეც რიდე
ეფარა, ვინც შეხედავდა, ყველა მონინებით განზე დგებოდა, ად-
გილს უთმობდნენ, ოხვრითა და ვიშით თავიანთ თანაგრძობას
გამოხატავდნენ, ქალობას უქებდნენ, მკვდარი მეუღლის ერთ-
გულუბას უწონებდნენ!..

ნეტავი ზოგი ჩემთვის ეკითხათ!..

ლები ვუსხედით სუფრას და მოშიებულები მადიანად ვილუქმე-
ბოდით.

უნინ მისი ქმრის კარგად ყოფნის სადღეგრძელო დავლიეთ,
ლატავრამ მდულარე ცრემლი აფრქვია, მაგრამ მარტივით მა-
შინვე გამოიდარა.

— ბავშვებიც გყავთ? — ვკითხე.

თავი გადააქნია და ამოიოხრა. ვანუგეშე, თქვენ მეუღლე მა-
ინც გყოლიათ, მე არც ის მყავს-მეთქი.

იმ მთისა ვთქვით, ამ ბარისა და ამასობაში გაგვეპარა დრო,
ლატავრამ საათზე დაიხედა და — სამსაათიანზე დამავიან-
დაო, დაიკვნესა.

ცოტა ხანს კიდევ დავრჩით სუფრასთან, მერე კი ჩემი ძვირ-
ფასი სტუმარი სალამოს მატარებლის დასახვედრად მიმავალ
ავტობუსს გავაყოლე. გულდანყვეტილი დავბრუნდი უკან. უკა-
ნასკნელი ხმის გამცემი წამერთვა და მეუღაბნოე ბერივით
მარტო უნდა ვყოფილიყავი ორშაბათამდე!.. წიგნებს წამოვუარე.

ჩამოხვდებოდა და, რომ აღარავის ველოდი, მაშინ მომიკაუ-
ნეს. ვეცი კარს, გამოვალე და სახტად დავრჩი — ლატავრა
იდგა ჩემს წინ!..


— ავტობუსი მოცურდა და ბენზე გადავრჩით!.. — შიშისა-
გან ლამის ენა ჰქონდა წართმეული.

ვანუგეშე, პალტო გავხადე და ღუმელთან მივიყვანე, სუფრა
ხელდახელ გავაახლე. ჩვენი საუბარი უფრო მეგობრული და
ღია გახდა. ისე გავერთეთ, დაძინების დრო რომ მოვიდა, მა-
შინლა გამახსენდა, რომ მხოლოდ ერთი სანალი მედგა აგარაკ-
ზე და ერთი ხელი ლოკინი მქონდა. გამოსავალს იოლად მივა-
გენით — თავშექცევით დავნექით!..

დილით რომ გამოვიღვიძეთ, ორივეს ერთ ბალიშზე გვედო
თავი და ისე ვირჯებოდით, როგორც ერთ ბალიშზე თავდადებუ-
ლებს შეშვენით!..

ლატავრა გავისტუმრე, ოღონდ იმ პირობით, რომ მომდევნო
შაბათს აქ მენევოდა და აქედან წაიღებდა „დუბლიონკას“,
მაგრამ მომდევნო კი არა, კიდევ ორი, მომდევნო შაბათი ისე
გავიდა, ლატავრა არ გამოჩენილა!..

შიში შემეპარა, ხომ არაფერი შეემთხვა-მეთქი. თვე მიინუ-



ილუსტრაციები ჯ. ლოლუასი

ნ არ ე მ ი

წუკრია შველიძის ნაამბობი

(ვაჟა-ფშაველას მიზაძვით)

პანანა ვარ, ობოლი. ცოლმა დამიბრძოვა: ცუდ დროს ჩამიგდო ხელში. ტანზე მაცვია მოკლე, გაქუცული, ცხიმის შვეფებით დალაქავებული თხელი პიჯაკი. რქები კი არა, ჯერ სიბრძნის კბილიც არ ამომსვლია, წვივებიც არ გამამაგრებია..

გზადაკარგული დავედივარ. აი, დახედეთ ჩემს სისხლიან მაჯას — ეს, ლუდის დასალევად რომ შევედი ლუდხანაში, ტოლჩაზე გავიჭერი.. გული მინუხს.. საბრალო დედაჩემი!.. მანამ დედა მყავდა ცოცხალი, სულ ალერსში ჭყავდი: ძუძუს მანოვებდა, მიალერსებდა.. რაღა მეშველება მე საბრალოს ახლა?! ძუძუს ალარა ვნოვ, მხროლოდ ცოლის მოთუხთუხებულ სალაფავსა ვსრუტავ დილით და საღამოთი..

ვერ გავცილებივარ სახლს. თუ გავედი ქუჩაში, უბანს არ უნდა მოვცილდე, სულ აქეთ-იქით უნდა ვიყურო, ვეფარო ბოძებს, სახლის კუთხეებს, ხეებს და კანკალით ვჭამო სოსისი, შიშისაგან ზეზეურად უნდა დავდნე.. რას გიშავებ, ცოლო, მითხარი, რას?! ოჰ, ცოლებო, ცოლებო! თქვენს ხერხსა და ალღოზე ხართ დაიმედებულნი და ჩვენი ჯავრი არა გაქვთ!.. არა გრძნობთ თქვენის შეუბრალებელის გულით, რომ ჩვენც გვიყვარს სიცოცხლე, სოსისის ტკაცუნა, ლუდის ჩხრიალი, რომელსაც სულგანაბული ეგრე ხშირად ყურს ვუგდებ ხოლმე, ქაფის შიშინი და ძმაბიჭებთან ერთად ნავარდობა..

თქვენ კი, ოჰ, ცოლებო! თვალმდასისხლიანებული, გაფაციცებული დაგვეძებთ მე და ჩემს ფერს სუსტსა და უპატრონოს ათასს სხვას!.. დაგვიჩაბავთ, მოგვეპარებით, მუხთლად ხელში ჩავვიგდებთ და გამოგვასალმებთ ლუდხანას!.. როგორ არ უნდა მეშინოდეს?..

წუგზარ აფხაზავა

ნაკვესები

- არ გააჰყვა ცოლად არა იმიტომ, რომ საქმროდ დანიუნა, თბილისში ბინა არ ჰქონდა..
- სიდედრს არ ელაპარაკება, სიდედრის გაკეთებულ საქმელს დღეში სამჯერ ჭამს. ეტყობა, სიდედრი მზარეულის როლს ასრულებს, თვითონ კი კლიენტს ასახიერებს.
- შალკვამ სოფელში სახლის კარ-ფანჯრები რომ აჭედა, დედის სურათს თვალები ცრემლით ავესო!..

ღიალოგი

- ვერ ისწავლა, კაცო, ამ ქალმა ჭკუა!
- რაჟა ვერ ისწავლა, აბაზიანს მანეთად ყიდის და!..

ვერტარ ოკუჯავა

სამაჭანკლო გარიგება

სარძლოს გირჩევ, ჩემო ძმაო, „სუპერსა“ და დიპლომიანს, ნაფაზს ურტყამს ზომიერად, „ბლატიანი“ ღიმილი აქვს! ახლა ოჯახს აღარ იტყვი? — „დაცუნები“, „შვიგულები“, ოქრო-ვერცხლი, ბრილიანტი, „იკრა“, ზუთხი, „პიკულები!..“ თან — ვიდეო უახლესი, უცხოური კასეტები!.. შინ ისეთი გრილი აქვთ, შეიშლები, გაშეშდები!.. დიდი კერძო ბინა, „დაჩა“ მონყობილი, განყობილი!.. ჩემო ძმაო, მე მგონია, უნდა იყო კმაცოფილი! გოგო — „შუსტრი“, „ფაიზალი“, თამაში და დედისერთა! არ გამადლი, მაგრამ, სიმონ, მოგვევლინე, მგონი ღმერთად!

განცხადება

პარ 35 წლის სასიამოვნო გარეგნობის მამაკაცი, მსურს შევექმნა ოჯახი, საცოლედ ვეძებ ნებისმიერი ასაკის თვითდაფინანსებულ გასათხოვარ ქალს!

ჯონი გაჯარაშვილი



უსიტყვოდ


ნ. ა. ზუბაშვილისა

ღია გარათი ქალბატონ ნატოს და ზოგიერთი ქართველ დედანს

- რამდენ შვილს ზრდი, ქალბატონო ნატო?
- რამდენი მყავს?.. რამდენი და... ერთი.
- სამი, ოთხი არ ისურვეთ? რატომ?
- საამისოდ არ გწყალობდათ ღმერთი?
- როგორ არა, მაგრამ... მაგრამ... მაგრამ... მიზეზები? ო, ნუ მკითხავთ ნურვიო, გაუმარჯოს ბათუმს, ფოთს და გაგრას, ვიყავ, ვრჩები მოტრფიალე ცურვის.
- მერე, მერე ქვეყანა და კერა?
- სხვებმა ზარდონ, მე ერთი ვარ ასე, საქართველო მე ვამრავლო? ვერა!
- მე ლეთისმშობელს... მართლაც დავემსგავსე.
- ქონებრივად როგორა ხართ ისე?
- იქნებ გიჭირთ ან გაშფოთებთ რამე?
- ერთმა დედამ მოგვივლინა ქრისტე... და ამიტომ ბევრის ყოლა დავგმე!
- ცდებით, ცდებით, ქალბატონო ნატო, მაგ ცდუნებას გული როგორ იტყვს? ერთი შვილის გაღმერთებას ნატრობთ? (ასე ნატრობს ათასობით დედა; „ერთი იყოს, იყოს მართლა შვილი!“) ეს ხომაა უაზრობა, ვედავ, ეს ხომ არის ამონყვეტის ჩრდილი?! მსოფლიოს ხომ ჰყოფნის ერთი ქრისტე? ამჟამიერ საქართველოს იცნობთ? ამერი-იმერს ძველთა და ახლით? რას შემატებ, რა სიკეთეს მისცემ დღევანდლობას იმ შენ ერთი ბალლით? გოგონები? — გვინდა! ბიჭუნები? — გვინდა! ისინი ხომ არ მოგვივლენ ციდან, თამარ, ბექა, მზია, ლელა, საბა!.. ვინ ამძლავროს სოფელი და დაბა? ხომ გაივთ, ქალბატონო ნატო, ერთი შვილი უშვილობას ნიშნავს! თითოსაგან ოთხ-ხუთს, მეტსაც ვნატრობთ, თუ იქნება, მაშინ არა გვიმავს!

დავით მურგანიშვილი

კითხვა-პასუხი



ზამთვალა ციალა და ლურჯთვალა მახვალა (გოგონას, რომელთაც სახელადი ვატი თვალავის ფარის ვინაფით არ აქვით)

სულში ისევ იფრთხილა სევდამ ნასათუთარმა:
გზად ორ ასულს გავეცანი — შავთვალას და ლურჯთვალას.
თურმე ერქვა იმ ასულებს (მათმა ეშხმა დამალა!) —
იმ შავთვალას ციალა და იმ ლურჯთვალას — მახვალა!
ერთს შევხედე — განცვიფრების ცეცხლმა გაიბრიალა,
გიშრისთვალა გოგოს რატომ უნდა ერქვას ციალა?
სხვას შევხედე — აქაც სევდამ ძარღვი ამიკანკალა,
ცისფერთვალა გოგოს რატომ უნდა ერქვას მახვალა?
აქ სახელი თვალთა ფერის არ არს გამომსახველი,
თვალთა ფერი სულ სხვა არის, სულ სხვა არის სახელი!
და არ სჯობდა, რომ რქმეოდა იმ ორ სიოს ცქრიალას —
იმ შავთვალას — მახვალა და იმ ლურჯთვალას — ციალა?!

ოჯახი და ფილოსოფია (სარკაზმარტო გახუმრება)

მეც წიგნებს ჩავკირკიტო, შენც წიგნებს ჩაჰკირკიტო,
ოჯახში ქვაბი ცეცხლზე ვინლა შემოდგას ვითომ?!
ოჯახს ხომ ორი „ბრძენი“ არა სჭირდება, არა,
ოჯახში ერთი „ბრძენი“, ვფიქრობ, სავსებით კმარა!
ოჯახი „ფილაფოზთა“ კერა როდია ეგა,
არ საჭიროებს ჰეგელს, არ საჭიროებს შლეგელს!
ვინ გააპატიებს, საჭმელს თუ ვერ აკეთებ მარტივს,
თუმც ყველა მოგიტყუებს, თუკი არ იცი კანტი!
არვინ არ შეგიწყნარებს, თუ ვერ გარეცხავ სამოსს,
თუმც ვინ გაგლანძღავს ბერკლის უცოდინრობის გამო!
ყველა გაგკილავს, ბინას თუ ვერ ალაგებ მაღე,
თუმც ვინ გაგკიცხავს, როცა ვერ გაიხსენებ თაღებს!
და ოჯახს არა აზრი ფილოსოფოსთა სკოლის, —
დიასახლისი მარჯვე სჭირდება პირველ ყოვლის!

გახსოვდეს ესე მცნება, თუკი გასურს გახდე ცოლი..

სავალალო მებაჟოროფოზა (მხოლოდ ზოგირითი ძალის მისამართით)

ზოგ-ზოგი გოგო უმალღესს რომ მიაკითხავს, იცვლება,
ის განათლებით ივსება და ჭკუისაგან იცვლება..
რა ხდება? — ის უმალღესში ეს რა სანამლავს ღებულობს,
რომ მასში ცოდნა მატულობს და შინაარსი კლებულობს?
რომ იწყებს ფრენას ჰაერში, სდევს შორ ვარსკვლავებს
მბჭუტავებს,
ასულელ-აბუტუტებს და ძალზე აქარაფშუტავებს
მას უმალღესი! — უდაბლესს აღარ უტოვებს გონებას.
იმ გონებასაც. — რაც დარჩა, სხვა რისხვა დაეკროლება.
ორივე ფეხით ოდესღაც თუ იდგა იგი მიწაზე,
ახლა ის სწყდება ამ მიწას, ან სხვა ფერები იტაცებს
და მორთავს ფარფატს ჰაერში, წინ სხვა გზა გადაეხედა,
და იგი ყოფილ მიწაზე აღარ დგას ცალი ფეხითაც
და უფლის ქალი ცის სივრცეს ცარიელ თავის ქალათი,
მჩაბტ, ვით ჩიტის ბუმბული, ანდა — უნიჭო ბარათი.
თუ იყო მორიდებული, ან გახდა ძლიერ თავზედი,
კრძალულ კვიციდან ჩამოხტა, ან გზას განაგრძობს სახედრით
და ვეღარ არის ეს მასში ნაალერს-ნაამბორალი
განათლება და კულტურა, განათლება და მორალი..
ხანდახან მტკაველ სიგარეტს გაიჩრის პირში ამაყად,
დროდადრო ეზიარება „შამპოს“, „კონოს“ და არაყსაც!
არის შემთხვევა: ნარკოტიკს მიეძალება, ბრუფდება
და იმის შემდეგ საღ განსჯას ის ვეღარ დაუბრუნდება!
ხანაც აპყვება ის კიდევ სხვა ნაირ-ნაირ მიქარავებს,

დაეხარება ჰედონიზმს და იშტას ვერ განიქარვებს!..
...არა სწორი გზით, მან მრუდე ბილიკებით სვლა იწყა,
და ესე მებამორფოზა მის კვიმაც სულის ცვლილებად
იქცა და თუკი უმალღესს ის აბარებდა გამოცდას,
გამოსდა ხანი, ეს გოგო გაუცნაურდა საოცრად
და ახლა იგი ცხოვრებას ვეღარ აბარებს გამოცდას!..

ლაზღანდარა ძალაზის ყოველდღიური რეპერტუარიდან (ცალკული შტრისები)

შეიყრებიან, ერთუთრის ჯიბრად,
ბასრი ენების მორთავენ ჯირითს,
მხოლოდ იმ ამბის შეტყობა ხიბლავთ,
ვისა აქვს ლხინი, ვისა აქვს ჭირი,
სად არს ძეობა, დღეობა სად არს
ან პანაშვიდი დღეს არის ვისი,
წასვლა-წამოსვლის იხშობენ მადას
და მეორე დღეს ინყებენ სისინს:
ვინ ცოცხალია, ან ვინ მკვდარია,
ვინ რა შეჭამა, ვინ რა დალია,
ვის რა ახურავს, ვის რა აცვია,
აქვთ საშინელი განამანია!
ამ ბიჭმა როდის შეირთო ცოლი,
ანდა ეს გოგო გათხოვდა როდის,
ვინ გაიტანა ცხოვრების გოლი,
ან ვინ კვლავ ბედის განაგრძობს ლოდინს.
ვინ ცოლს ვერ ირთავს, ვინ ვერ თხოვდება,
ვინ ცოლს ეყრება, ვინ ქმარს შორდება,
ვინა ჭამს თქვლფფით, ვინა ჭამს სვლეპით,
ვინ სულ შიმშილის გამხდარა მსხვერპლი,
ან ვის წინ უდგას რა ფერის თევში,
ან კოვზი როგორ უჭირავს ხელში,
სუფრაზე ხმარობს ცხვირსახოცს ხშირად?
ფაქიხად სუნთქავს, თუ ძალზე ჰშინავს!
ან ესტრადაზე როდესაც მღერის,
თუ ებერება ძარღვები ყელის.
ან ღვინოს რომ სვამს, თუ იცვლის იერს,
მისი ყანყრატო მოძრაობს ძლიერ?
ამ კაცს კი ნაღდად ბითური ჰქვია,
რომ იხორხოცებს გულით და ხარბად —
უნებურ პირი დარჩება ღია,
პირი აქვს? — თითქოს არც ახსოვს ალბათ.
ის ქალი როცა ამთქნარებს, პირზე
ხელს არ იფარებს და ისე გვიმზერს,
ის უსინდისო, თითქოს გვესურს მართლაც
მისი ჩოღერა კბილების დათვლა,
შიშველ კბილთა რომ გვანუხებს ხილვით,
რა? ექიმები ვგონივართ კბილის?
პირს ისე ადებს ფართოდ და ამოდ,
თითქოსდა, ყველას ჩაყლაპვას ლამობს!
როცა ვუყურებ იმის მთქნარებას,
ჩამყლაპავს! — შიში მეც მეპარება!
როცა ამთქნარებს, ძნელია მერე,
ვერ აიფარებს იმ პირზე ხელებს?!
...და ლაყაფს ერთუთრის არავინ აცლის
და ქალთა ჭორის იზრდება ხვავი:
ამან არაყი გადაჰკრა ანწლისი,
იმან კი ხუხა არაყი ჭვავის.
ეს კი საბრალო მარტო ჩაის სვამს,
ის არც ჩაის სვამს, წყალსა სვამს მარტო,
ეს კაცი იმ ქალს ირთავს გაისად,
ვაი ისეთი ჩერჩეტის პატრონს!
...დღეა თუ ღამე, მწუხრი თუ დღია,
არ ისვენებენ სიტყვები ქუფრი:
— ვერ შეიბნია პალტოზე ღილი?
— ვეღარ შეიკრა ზონარი ტუფლის?

და ასე შემდეგ, და ასე შემდეგ!
ახლა კი, მგონი, დრო არის შევდგე,
თორემ ამ ჭორებს, ამ ლაყაფს მკვახეს
აბა, სადამდე, სადამდე ჩავყვებ?



«სქის» ჟაღი

იუმორესაბა

ქაჭიძის ხეივანივით დახუნძლული ავტობუსი ღრიჭინ-ღრიჭინით გაჩერდა. როგორც იქნა, მარჯვენა ხელი მგზავრებს შორის შევძვრინე, ვილაცის პალტოს საიმიედოდ ჩაეფურინდი და ერთი ფეხი თითქმის მთლიანად დაედგი საფეხურზე!..

— თქვენი ჭირიმე, გაინიეთ ერთი ათი სანტიმეტრით, წვრილ-შვილის პატრონი ვარ! — შემაბრალა თავი ჩემს პორტფელზე ჩამოკიდებულმა ქალმა.

— შე კაი ქალო, წამოგეყვანა ერთ-ერთი და დასაჯდომსაც იშვოვიდი! — თქვა ვილაცამ.

ავტობუსი დაიძრა.

— მეგობარო, როგორმე უნდა გაინიოთ წინ, ქალი კიბეზე დგას! — ვთხოვე ჩემს წინ აყუდებულ ახმახს.

— როგორ გაინიო, ძმაო, ფეხები ჰაერში მაქვს! — მითხრა მან.

გაჩერებასთან მძლომა ავტობუსი დაამუხრუჭა. ჩემს ჩანთაზე რომ ქალი ეკიდა, ჩემს წინ მოექცა — პირისახით ჩემკენ. პომადას ტუჩებიდან საულვაშეზე გადაენაცვლებინა, თმა ჩამოშლილი ჰქონდა, ტონი — აქა-იქ მოცილებული!.. დარწმუნებული ვარ, ამ წილაბში საკუთარი ქმარიც ვერ იცნობდა!.. ისე ახლოს ვიდექით ერთმანეთთან, ქალის გულისცემა მესმოდა. როცა მომდევნო გაჩერებაზე ავტობუსი მეორედ დამუხრუჭდა, ინერციის კანონით თავი ვეღარ შევიკავე და ქალს საკოცნელ პოზიციაში მივუახლოვდი!..

— ახლა რომ ჩემმა ქმარმა დამინახოს, დასაბმელი გახდება! — ჩაილაპარაკა.

— ის გახდება და, მე უკვე ვარ! — ვუთხარი და ძარღვებში სისხლი გამეყინა.

— ახლა არ მითხრათ, მიყვარხარო, თორემ გავგიფიქვბი!..

— ჯერჯერობით არა, მაგრამ თუ ბოლომდე ასე ვიმგზავრეთ, მე მგონი, ორი დანგრეული ოჯახის ხარჯზე ერთს უეჭველად ავაშენებთ!

— ხომ არ შეიშალეთ?!. გამატარეთ, შემდეგში ჩავდივარ!..

— შემდეგში კი არა, ორი გაჩერებით ადრე უნდა ჩავსულიყავი, მაგრამ ვინ ჩამიშვა?! ქალი აწრიალდა.


— რას აკეთებთ, ქალბატონო?! ჩემს ლილს თქვენს პალტოზე რომ იკრავთ, როგორ გგონიათ, სახლამდე გამოგყვებით?! — ქალი ისე განითლდა, ტონის ქვეშაც შეეიტყო ფერისცვალება.

— ბოდიშს ვიხდი, ბატონო, მაგრამ თქვენ რომ ჩემი ცხვირსახოცით ორჯერ ოფლი მოინმინდეთ და ბილეთის ფულიც ჩემი ფიბიდან გადაიხადეთ, მე გითხარით რამე?! თქვენც ხომ უნდა გამიგოთ!..

ქალმა პალტოს ლილები შეიკრა, გზავრები მხრებით მისწი-მოსწია და წინ გადაიხაცვლა. ამასობაში კიდევ დამუხრუჭდა ავტობუსი!..

როდის ან რანაირად მოახერხა ქალმა ჩასვლა, ვერ მივხვდი!.. მოვიხედე და პომადას ნახად ინმენდდა ჩემი გატყვიცინებული ცხვირსახოცით!..

ნიკოლოზ იოსებიძე



ნახ. ი. ყაინაშვილისა



უსიტყვოდ

ნაგავი მოვიდა

იუმორესკა

ერთ მშვენიერ დღეს, როგორც იქნა, ნაგვის მანქანა გამოჩნდა!..

— ზოსიმე, ნაგავი მოვიდა!.. გაქვთ? — დაუძახა მეზობელმა.

— აბა, ვნახო!.. — შებრუნდა და ცოლს შეითხა:

— გვაქვს! — უპასუხა ცოლმა.

— რამდენი ვედრო იქნება?

— იქნება ასე... სამი ვედრო!

— არ გვინდა, გვაქვს ნაგავი, ჯერჯერობით გვეყოფა! — გასძახა მეზობელს ზოსიმემ.

მზია მებაღეშვილი



ნახ. მ. აბაშვილისა

156
22.11.89

უსიტყვოდ

ჭრელ-ჭრელი აზრები

- ყველაზე მძიმე საკუთარი თავია.
- ზოგჯერ ადამიანს ისეთი ტყვიანური აზრები ებადება, რომ საკუთარი ჭკუა არ ჰყოფნის მათ გადმოსაცემად.
- მინის შვილები ვართ და მინის დამუშავებას ნუ დავიზარებთ!
- ზოგიერთი ენაჭარტალა ყრუ-მუნჯის შვილია.
- ბრმაზე უფრო კარგად იცის, რა არის სინათლე და ვინ არის ბრმა.
- სულერთია, ცხოვრებას როდის დაიწყებ. მთავარია, ისე არ დაამთავრო, რომ დანყება ვერ მოასწრო!
- როგორი სჯობს, იყო ტყვიანი და უნიჭო, თუ — ნიჭიერი და უჭკუო?
- სანამ ჭკუის დარიგებას დაიწყებდე, დაფიქრდი, გაქვს კი იმდენი, რომ დაარიგო?
- რაბინდ უაზრო და ც უნდა აზროვნებდე, თანამოაზრეს მაინც ნახავ!
- რაც უნდა კარგად ბაძავდე სხვას, მაინც ჯობია, რომ შენ გბაძავდნენ!

ივო ხასიძია

ყველაზე

იუმორი

ხარხი სკოლა...


— მითხარი ერთი, ილონა, როგორ გაქვს ყოველთვის ფული? შენი ქმარი ხომ მთელ ქალაქში სიძუნით არის ცნობილი? — ჰკითხა მეგობარმა ქალმა.

— სრულიად იოლი გზით: როცა ფული დამჭირდება, საჩხუბრად ვინვემ, ის უხეშობას მიწყებს, მე კი ვეშუქები დედასთან დავბრუნდები-მეთქი. ჰოდა, მაშინვე უსიტყვოდ მაძლევს ასიანს სამგზავროდ!..

წუკაწი

— რაღაც ძალიან ხშირად აქებ ჩემთან შენს პირველ ქმარს, — უსაყვედურა მეორედ გათხოვილ ქერივს მეუღლემ.

— ჩემო ძვირფასო, როცა მოკვდები, შენზედაც იმასვე ვიტყვი!



თანამოსაუბრე

— კმარა ჩემზე ლაპარაკი! ახლა თქვენს შესახებ ვისაუბროთ! მიამბეთ, გეთაყვა, როგორ მოგეწონეთ უკანასკნელ ფილმში? — ჰკითხა კინომსახიობმა ქალმა თანამოსაუბრეს.

ქორწინების სიკეთე

— მინდა გაუნყოთ, ბატონო დირექტორო, რომ გუშინ დავ-ქორწინდი!

— ჩინებულია! მე დიდად ვაფასებ ცოლიან თანამშრომლებს: ისინი სამუშაოს შემდეგაც სიამოვნებით რჩებიან კანტორაში!

ზოგი შირი

— ექიმს გამოუძახე, საკინძი გადამეყლაპა! — უთხრა ქმარ-მა შეშფოთებით ცოლს.

— არა უშავს. შენს სიცოცხლეში ერთხელ მაინც გაცოდინე-ბა მისი ადგილსამყოფელი!



სიტყვის გადაკერა

მატარებლის კუპეში ერთმა მგზავრმა მეორეს მიმართა: — არ მეტყვიო, ჩემო ბატონო, რომელი საათია?

— არა, არ გეტყვიო! მერე თქვენ თავს გამაცნობთ. მეც ჩემს ვინაობას მოგახსენებთ, შემდეგ გამოირკვევა, რომ ერთსა და იმავე ქალაქში მივემგზავრებით. მე შინ მივინვევთ სადილზე, იქ ჩემს ქალიშვილს შეხვდებით, თქვენ იგი მოგეწონებათ და მის ხელს მითხოვთ. მე კი რისთვის მჭირდება ისეთი სიძე, რომელ-საც საათის ყიდივის თავიც არა აქვს?!

აქვინაობა

ქალბატონმა დაიკემ მკითხავს ქმრის ფოტოსტრატორი უწყობი ვენა: — მე სრულიად არ მაინტერესებს ამისი მრმავალი, თქვენ მხოლოდ ის მითხარით, სად იყო გუშინ საღამოს?

ურთიერთდახმარება

— გავიგე, უალრესად ბედნიერი ყოფილხარ! როგორ მიალ-წიე ამას?

— სრულიად უბრალოდ. მდიდარი მამაკაცი გავიცანი. მას ფული ჰქონდა, მე კი — გამოცდილება.

— ახლა?

— მას გამოცდილება აქვს, მე კი — ფული.

ნანატრი დღე

— ქორწინების პირველი დღეა და უკვე მეჩხუბები! — უსაყ-ვედურა ნუფემ დედოფალს.

— მაგრამ მე ამ დღეს მთელი ორი წელიწადი ველოდებოდი!..

განგაილება

ქმარი: — მინდა სერიოზულად მოგელაპარაკო!

ცოლი: — შეგიძლია დაიწყო. მე მალე დავბრუნდები.

მხილება

— შეიძლება თქვენი შეფის ნახვა? — იკითხა ქალმა მისა-ლემში.

— რა თქმა უნდა! — მიუგო ჩინოვნიკმა, — დაუსოვნებ-ლივ მივიღებთ. იგი მშვენიერ ქალებს არასოდეს ალოდინებს.

— ჩინებულა! გადაეცით, თქვენი ცოლი მოვიდა-თქო!

უსაფრთხოება

— ჭამის წინ პირჯვარს იწერ? — ჰკითხა მღვდელმსახურმა ბიჭუნას.

— არა დედაჩემმა კარგი საქმლის კეთება იცის! — მიუგო ბიჭუნამ.

ქალთა დიალოგი ცოლქმრობაზე

— ცოლქმრობა, — თქვა ერთმა, — უდაბნოსა და მირაჟა მა-გონებს — სასახლით, პალმებოთა და აქლემებით. შემდეგ ჯერ სასახლე ქრება, მერე — პალმები და ბოლოს ერთ აქლემთანდა რჩები!

საყვედური

ქმარი: პირდაპირ საოცარია, რა უხეიროდ არის განათებუ-ლი ეს ქუჩა?!

ცოლი: განა დიდი ხანია მას შემდეგ, ჩვენს ქორწინებამდე სახლში რომ მაცილებდი და ბუზღუნებდი ხოლმე, აქ საღამოო-ბით დღესავით სინათლეა?!

ალაჟა

— შენ რა, სამუშაო დროს დადისარ საბანაოდ?

— მე აქ სამსახურებრივი საქმის გამო ვარ.

— როგორ?

— ახალი მდივნის შერჩევა მინდა!

შარაკმა

სიდედრი: რა მშვენიერი პანანა ხე ჩავირგავს, ჯონი! სულ ერთი ფუტი სიმაღლისა თუ იქნება.

სიმე: ჰო, ეს-ეს არის, ჩავრგე. ვიმედოვნებ, შემდეგისათვის რომ მობრძანდებით, მაგის ჩრდილში ჩამოჯდომა შეგეძლებათ.

პირობა

ცოლმა ლატარიის ბილეთი შეიძინა და ქმარს უთხრა: — თუ მოვიგებ, ჩემთვის ახალ კაბას ვიყიდი.

— და თუ არა?

— მაშინ შენ მიყიდი!

გერმანულიდან თარგმნა შოთა ამირანაშვილმა

სარგამართო

პაროსტიქი

ბოცნით შვილიკოს, დაიკოს, დედას, მეუღლეს — სუყველას,
 იმ გაუთხოვარ ქალებსაც, ვინც იტანჯება უთქმელად!..
 ლოცვა-კურთხევას გიგზავნით აზარფებით და ფიალით,
 ოცნებაც თქვენკენ მენევა, მოვეპრივარ გულის ფრიალით!..
 ცოლებო, ქმრებს დაგილოცავთ, მათ დიდ მხნეობას ვაგულებ,
 ამ დღეს ქალების კარნახით სამზადში ჯაჭვით დაბმულებს!..
 მიტყვი თამამად, დრო არის გარდაქმნისა და ნავარდის,
 თუ ქმრები შემოგედავონ, სტალინგრადივით გამაგრდით!
 ქართველ ქალს წინათ შვილები მკერდზე ებნია მძივებად,
 ახლა ტანს უფრთხილდებიან, ბევრმა ერთიც არ ინება!
 ლოცვა-კურთხევა იმ დედებს, ვინც ქართველ შვილებს


ამრავლებს,
 მითოეულის გაჩენა რომ გვაცოცხლებს და გვახარებს!..
 არადა, როგორ დავლოცო, ვინც ქაჩავს „ქემელს“,

„მარტოროს“!..
 და სურვილი მაქვს შემდგომში, რომ მათი ქმრებიც გავჭოროს!
 ღამით სტერეოს მოსმენას გიჯობთ აკვანთან ვალობა,
 ერის ზრდა და გამრავლება — ესაა კაი ქალობა!
 სამზე მეტს ვინც იყოლიებს, ქალი იქნება — მონა ღვთის!
 რაისაბჭომ კი ნამატზე მისცეს მათ თითო ოთახი!
 ვლოცავ ქალს გამარჯვებულს და ყველას მივმართავ ვედრებით,
 ამ წელსაც რომ გაგვახარონ ოქროსა და ვერცხლის მედლებით!
 მუდამ ატარეთ სახელი ქართველი ქალის და დედის!
 არ ემკითხაოთ გოგონებს ყავაზე თავისი ბედი!
 არადგანაც დღეისთვის გლოცავთ, მაქვს მეც ამისი მიზეზი,
 ტელეფონით დღეს პირველად დავლოცე ჩემი სიდედრი!..
 სასვე ფიალით გისურვებთ სიცოცხლესა და მხნეობას!

დაე, მხნედ შეხვდით შვილების, შვილთაშვილების დღეობას!

ივანე ოსეფიანოვილი

ნახ. ი. ყაინაშვილისა



КОНТРОЛЬНЫЕ
 ЭКЗЕМПЛЯРЫ



საბინისა და იმპრია
 შორანი „ნიანაი“
 № 5 (1783) შარტი.
 გამოდის 1923 წლის ივნისიდან.

მთავარი რედაქტორი
 ზაურ ზოდვასია

სარედაქციო კოლეგია:

ეთანდელ ადგივინი
 (პასუხისმგებელი მდივანი),
 ვახუა ამირეჯიბი, ნოზადა
 ბართაია, ხორის გურგუ-
 ლია, რევაზ თვარაძე, ჯე-
 მალ ლოლუა, ნოდარ მა-
 ლაზონია (მხატვარ-რედაქ-
 ტორი), ალექსანდრე სამ-
 სონია, ბეჟან სიხარულიძე
 (მთავარი რედაქტორის მო-
 ადგილი), ჯანსუღ ჩარკვია-
 ნი, თამაზ წიფივაძე, ნა-
 ფი ჭუსოთი.

ტექნიკური რედაქტორი
 ირაკლი დუნდუა

გადაეცა ასაწყობად
 03. 02. 89 წ. ხელმოწერი-
 ლია დასაბეჭდად 06. 03.
 89 წ. ქალაქის ზომა
 86 X 90 1/8, ფიზიკური ნაბე-
 ჭდი ფურცელი 1,5. სააღ-
 რიცხვო-საგამომცემლო თა-
 ბახი 1,9. საქართველოს კ-
 ცი-ის გამომცემლობა,
 ლენინის 14. შეკვ. № 289
 ფე 04632. ტირაჟი 129 000.
 ეურნალი გამოდის თვეში
 ორჯერ. რედაქციაში შემო-
 სული მასალები ავტორებს
 არ უბრუნდებათ.

ჩვენი მისამართი: 880008.
 თბილისი-8, რუსთაველის
 პროსპექტი № 42.

ტელეფონები: მთავარი
 რედაქტორის — 99-55-54,
 მთ. რედ. მოადგილის —
 93-19-42, 3/8 მდივნის —
 93-10-78, მხატვარ-რედაქ-
 ტორის — 99-02-38, გან-
 ყრფილებათა გამგეების —
 93-49-32, რედაქტორ-ლიტ-
 მუშაყების — 99-02-38,
 მდივან-მემაწიანის —
 99-75-69.

Сатирико - юмористиче-
 ский журнал «НИАН-
 ГИ» (На грузинском
 языке). Тбилиси, пр. Ру-
 ставели № 42. Издаель-
 ство ЦК КП Грузии,
 Ордена Трудового Крас-
 ного Знамени типогра-
 фия издательства ЦК
 КП Грузии, Тбилиси,
 улица Ленина № 14.

ფასი 20 კაპ.
 ინდექსი 76137

